



UNIVERSITÄTS-
BIBLIOTHEK
PADERBORN

Continuatio II. Romæ Sanctæ

Fabri, Augustinus

Augustæ Vind., Anno M.D.CC.XXX.

No. XCI. Franciscus Burghesius Romanvs.

[urn:nbn:de:hbz:466:1-72647](#)



No. XCI.

FRANCISCUS BURGHESIUS ROMANVS

Franciscus Burghesius Romanus S. R. E. Presbyter Cardinalis titulo S. Petri in Monte - aureo, Archiepiscopus Trainapolitanus Sacri Palatii Praefectus, ex illustrissima, & per orbem universum decontatissima Burghesiorum familia oriundus Romæ primam asperxit lucem die 20. Junii 1692. Pro sapientia Burghesia antiquissima est, atque nobilissima, tam Urbi Romæ, quam Romanorum Principum singulare decus, & ornamentum, ex ea prodierunt togâ & sago præstantissimi ac summa omnium commendatione dignissimi viri, quorum excelsa merita, ut omnem Arithmeticæ transcedunt numerum, ita nulla deprædicationis periodo circumscribi, aut coarctari possunt. Prætermitto itaque quam plurimos, qui steriles Scriptorum pennas longa historiarum materia fœcundare possent, unum aggrediar commendandum Paulum V. Magnum Romanis, ac venerabili omnibus nomen, qui ante assumptionem ad summum Pontificatum Camillus Burghesius audiit, & iam tunc præclarissimis Urbi Romanae inclarescens meritis, postmodum in summam evectus sedem toti illuxit orbi miris, atque stupendis factis. De Immortali gloria tanti Pontificis præstat nihil, quam pauca dicere, ne ineptitudine calami laus tanti viri potius obscuretur, quam multa verborum ambage illustretur. Erat Paulus V. verus Apostoli Pauli imitator Apostolico agitatus spiritu, inflammatu zelo, cui angustior mundus Europæus, in remotissimas orientalis Indiæ Regiones sese diffudit, ubi Hispaniarum Regis ditioni subiectam Civitatem Crangoram Archiepiscopali dignitate condecoravit, sub titulo Sancti Thomæ Indiarum Apostoli, adjectis aliis Dioecesisibus, Diaconatibus, & Archidiaconatibus per Indiam, & Persiam hinc inde dispersis, constitutus super his erat Archidiaconus, Georgius nomine, qui 1599. cum 253. ibi subditis Sacerdotibus, aliisque ad hoc deputatis 671. qui omnes hæresi Nestoriana infecti, & à Romana Ecclesia delciscentes Diamperæ in India Urbis comparuere, quorsum etiam Goæ Archiepiscopus Alexius de Menses illustre ex S. Ordine D. Augustini Eremitarum sydus cum suis Catholicis se se contulit: ubi more Catholico celebrata synodus Divina afflitrice providentia adeò auspiciatum fortita est exitum, ut Georgius Archidiaconus cum toto, quem comitem habuit, clero, detestato pristino suo errore ac schismate ejurato, in gremium Matris Sacrae Romanae Ecclesiæ cum prompta, ac




Franciscus Burghesius, Romanus Archiepiscopus Traianopolitanus, Sacri Palati Apostolici Prefectus, S.R.E. Presbyter Cardinalis creatus à SSmo. Dño. N° BENEDICTO PAPA XIII. in Consistorio secreto die 6. July 1729.

Eum Grat et Priv. Sac Ces May.

Johann Christopher Kolb exc: A.D.

91.



ac filiali se conjecerit, quorum exemplum non solum omnibus ab eorum ore dependens secutus est populus, sed & innumeris infideles, & Pagani detestatis suorum errorum tenebris, aqua sacri baptismatis abluti, christiana amplexi sunt fidei dogmata. Quantam verò cordis latitudinem Archiepiscopus Menesius, & re intellecta Paulus V. circa omnia hæc sacerrimè pertractata, senserit, captu difficile est, difficilius scriptu, considerato præsertim, quod in opere tam pio, Deoque grato tantum laboris impenderint tres immediatè antecedentes summi Pontifices Gregorius XIII. Sixtus V. & Clemens VIII. Sub anno 1599. magnum illud ex 900. gravissimis viris consistens in India orientali congregatum fuit Concilium, re tamen infecta, donec Paulus V. ultima adjecta manu totum hoc spirituale negotium ad exoptatum perduxerit finem, & ad confirmandos tum paulò ante ab Ecclesia Romana descendientum tum Christo recenter regeneratorum animos, magno cum conatu, & immensis factis pecuniarum expensis Archiepiscopatum ibidem erexerit anno 1607. secundo sui Regiminis. Non minori perfusa gaudio Pauli V. gestiebat mens post fluxum octo annorum, hoc est anno 1615. auditio, quod Ecclesia Asiatica in Paphlagonia cum suo Antistite Gabriele Gangreni renunciato Græcorum schismate, Romanæ Ecclesiæ reconciliata se univerit, quod contigit hoc anno Mensis Januarii, sub ciuis finem geminata fuit summi hujus Pontificis loetitia, videntis Regis Idatæ, Voxuæ in Iaponia ablegatos, post emensa tot millia milliarum Romam adventantes, & sui Regis nomine deosculantes pontificios pedes, Obedientiam, & in fide Catholica constantem perseverantiam jurantes. Intercurrente hoc tempore anno nimis 1609. plures Persiæ Imperatores quam Reges Romam Legationes expedierunt, factæ suæ Beatitudini Pauli V. supplices, renuntiantesque, qualiter magno animarum Zelo RR. PP. S. Ordinis Eremitarum D. Augustini, fidem orthodoxam labefactatam, olim quidem in Persia florentem, de novo iterum passim in Provinciis erigerent, crucisque decorem replantarent, quos ingenti cordis jubilo Paulus auditos, pretiosissime donatos munieribus, sed pretiosioribus insignitos sacræ fidei dogmatibus, à se dimisit. Cum verò enumeratae nationes, quæ ultrò Apostolicæ sedi duce divina gratia se subdiderunt, solâ plerumque Arabicâ usæ sint lingua, Paulus V. solicitudine paterna instituit, ut in Academiis Catholicis (quæ & studia generalia vocantur) apud Regulares præsertim præter linguam latinam etiam Hebraicam, Arabicam, & Græcam docerentur, quatenus tales ad fidem orthodoxam conversæ gentes sufficiens doctrinæ pabulum ex informantium ore invenirent. Hoceodem currente tempore alii etiam ex Africa, ex Regno Congo Legati coram Paulo V. Pontifice comparuere, missi ad eum à noviter ad fidem converso Rege, qui suo nomine filialem obedientiam & prompta obsequia Vicario Christi deferrent. Hoc ipso anno 1615. felicissimus iste Pontifex ad suos pedes abjectos vidit ex utraque India adventantes nonnullos ex Societate Jesu præstantissimos viros, nimis ex Perù, Paraquaria, & Mexico occidentalis Indiæ, pariterque ex Malabarica, & China orientalis Indiæ, novum Romam electuri sui Ordinis Generalem Præpositum, qui postmodum unanimis votorum suffragiis fuit nobilis Romanus Mutius Vitelcus, qui omnes unâ secum ad pedes more Catholico suæ Sanctitatis prostrati Ecclesiarum in utraque India erectarum statum annunciantes, & qua pars est, eum animi submissione commendantes, Apostolica benedictione impetrata, insignia remunerationum dona à sua Sanctitate reportarunt, insuper pretiosissimi donati libris, variisque gratiarum Apostolicarum indultis decorati Româ profecti sunt. Jubilum verò mentis Pauli V. cuius lingua explicabit, aut calamus exprimet? Non Asiam, Africam, Americam, sed & Europam, diversis infectam hæresibus, ac damnandis sectis, suo complectabatur Apostolico Zelo Paulus V. hinc totus erat in evertendis sacræ fidei contrariis dogmatibus, quem egregiè juvit incredibilis animarum ardor D. Francisci Salesii Episcopi Geneveræ, qui divinâ succensus flamma ipse solus septuaginta duo millia hominum Calvinianis imbuto-

butorum erroribus ad fidem Orthodoxam convertit, illustrissimorum pariter & doctissimorum non parvò in numero. Hos inter Apostolicos ludores, quis sufficiat tanti Pontificis gestientis animi conceptos enarrare jubilos? Porrò pro omnibus Ecclesiis maximam Paulus iste curam gerens, hanc p̄ae aliis suis Antecessoribus nactus est à DEO vita comite, felicitatem, quod splendifissimo magnificentiā in toto Christiano orbe templo Divi Petri in Vaticano immensis extructo impensis ultimam imposuerit manum, Deoq̄ ter Opt. Max. dedicaverit, in cuius perpetuæ memorie signum in magnificissimo propylæo Pauli V. templi hujus consummatoris nomen intuentium obiicitur oculis, lectores admonendo, quod ipse tantum ædificium non ex materia duntaxat, lignis, ferro, & lapidibus subministratis, ædificaverit, sed & suis ad Deum fusis precibus, pietatis exemplis, & relictis Apostolicæ doctrinæ sacris constitutionibus, quarum 121. exstant, fulcierit, moribus enim, referente Henrico Spondano, incorruptissimis, ac vitâ illibata claruit, quibus universum mundum illustravit, dignissimus in terris Vicarius Christi, Splendor Burghesiæ profapiæ radiantissimus, decor Romanæ sedis, & sydus orbis. Ex hac igitur oriundus stirpe Franciscus noster non minores animi dotes, virtutेःque complectitur, Principe adeò excelsø, cuius magnitudinem Roma laudibus effert, dignas, eximia namque ipsius comitate ipsa natura quasi gloriatur, divitem in hunc singulari quadam voluptate se effusam esse, ut tanquam in proprio palatio honorata, omnium animos occultam amoris vi in solo Francisci Purpura delectaret, & ne attractivæ virtuti aliquid ex omni parte deesset, perfudit labia facundiæ amœnitate, linguam gratiæ saporem, quā in verba soluta pronas audientium voluntates ligaret. Gracili dein ac vasto rerum gerendarum ingenio fecundus, Sacræ æquè ac politica Reipublicæ versatili utitur prudentiā finē personarum acceptione, pauperum pariter ac divitium, debiliū ac potentum causas ad Themidis leges incorruptā ponderans trutinā. Insignes suæ doctrinæ thesauros virtuti pietati ac Religionis Zelo in dotem dedit, quibus desponsatum Benedictus XIII. annuli Archiepiscopalis indissolubili nexu cum Ecclesia Traianopolitana mariravit, & Cameræ Apostolicæ constituit Præfectum: denique suffragantibus excelsis meritis Purpurā decoravit sua altè fata Sanctitas Franciscum, quem ob præcipuam tractandarum rerum peritiam, ac singularem sapientiæ laudem in optatissimum membrum & Assessorem sibi delegerunt, obtinueruntque Congregationes variæ, videlicet Consultationis, Consistorialis, Aquarium, boni Regiminis, Pontinarum, Paludum, Lacuumque: munia profecto, quæ dum Summam in administrando prudentiam requirunt, multorum humeros defatigarent, solus Franciscus Burghesiū impigrè sustinet, est autem Franciscus valde familiare Vaticanum Atlanticis viribus fulcire succolareq; donec Ecclesiasticis diu exantlatis latoribus in præmium meritorum detur Triregni diadema, ultimum nostri Purpuraq; Principis Francisci messarum in terra virtutum ornamentum.



No.